

[0]數學？難我唔到啦！

[1]家姐好專心做緊功課。

突然，門「碰」一聲打開！

「家姐，好悶呀！我唔做功課喇，數學都冇用嘅，我想出去玩呀！」阿佑大發脾氣。

「唔可以唔做功課㗎！而且數學其實好有用，到你大個就會明㗎喇。」

阿佑見家姐個樣咁認真，有啲心虛：「噉……真係冇用㗎嘛。」

「你覺得冇用嘅話，不如我同你比賽，如果你贏咗我，你今日就唔使做功課啦！」

家姐笑住同阿佑講。

「噉！你講噉，唔可以講大話。」阿佑精神即刻返晒嚟！

[2]家姐同阿佑去咗公園。

「阿佑，我哋一路行，一路搵下有直角嘅嘢，最快搵到三個就當贏。」家姐笑住話。

阿佑搖晒頭，唔明家姐講嘅直角係咩。

[3]「噉，即係好似『L』字噉呀！你望下架車後面個『L』字。」家姐講。

「哦，簡單啦！尋日老師好似有講過，我一定會搵得多過你！」阿佑講完就即刻唔見影。

「唉，呢個阿佑㗎！」家姐有啲無奈。

[4]佢哋嚟到教堂。

家姐正想指住上面個十字架，諗諗下都係放低手。

阿佑即刻指住教堂個十字架，大叫：「搵到喇！係直角呀！一比零！」

「噉！係喎，噉都俾你搵到先。」家姐笑住話。

阿佑心諗：贏咗就唔使做功課喇！

[5]阿佑繼續跑，邊跑邊指住啲燈柱：「又有喇！二比零！」

家姐話：「好啦！噉你都見到嘅？」

阿佑心諗：二比零喇！呢個比賽好似都幾好玩喎！

[6]佢哋跑到一個沙灘。

家姐指住張沙灘櫈話：「我都搵到喇！」

阿佑笑住話：「嗰啲都唔係直角嚟嘅，老師話呢啲叫『鈍角』！」

「噉，係叻喎，鈍角你都識，呢唔到你添！」家姐覺得有啲欣慰。

阿佑心諗：好彩尋日有聽到老師講，原來唔同嘢真係有唔同角度㗎喎！

[7]跟住佢哋跑咗去球場。

家姐即刻指住個球網話：「呢次到我搵到喇！二比一！」

「嘩！呢次你好彩啫……」

阿佑心諗：下次一定係我先！

[8]玩咗半日，太陽開始落山。

家姐望住鐘樓想知依家幾點，突然發現啲嘢，就指住個鐘，笑住同阿佑講：「我又搵到喇！依家六點十五分，啱啱好一個直角！二比二喇。」

阿佑望住個鐘，兩眼發光話：「係嗰，喺先六點嗰陣仲未係直角，依家就變咗直角，好神奇！」

阿佑心諗：原來唔同時間，啲嘢都會出現唔同角度㗎嗰！

[9]返到屋企，兩個人拎咗啲切好嘅蛋糕出嚟食。

阿佑一見到就好興奮：「家姐，連啲蛋糕都有直角呀！」

「係嗰！」家姐邊食邊講：「睇嚟你真係好想贏場比賽㗎嗰……」

[10]「家姐，我食完喇！我去做數學功課先！」阿佑講完就跑咗入房。

望住阿佑嘅背影，家姐忍唔住笑咗……

[11]唔知你今日又搵到幾多個直角呢？

00167p:《數學？難我唔到啦！》The Right Angle

The CC BY 4.0 license REQUIRES that any reused or repurposed content must have the correct ATTRIBUTION. Please use the text below in your citations, printouts and copyright pages.

Attribution Text:

"The Right Angle" (Cantonese), translated by [HamBaangLaang](#) (© HamBaangLaang, 2021), is based on the original story, Savio Finds the Right Angle (English), written by Ramya Pai, illustrated by Sunaina Coelho, supported by Oracle, published by Pratham Books (© Pratham Books, 2019) under a [CC BY 4.0](#) license, first released on [StoryWeaver](#).

[Find out more here: [HamBaangLaang Attribution terms and CC 4.0](#)]
